



“ASEAN-Australia Workshop to Exchange Practices on Community Resilience Programs to Counter Radicalisation and Violent Extremism Activities”
Kuta, Bali, Indonesia, 16-17 Maiu 2023

Prepara husi ekipa delegasaun Timor-Leste:



1. Sr. Ponciano da Cruz, Diretor Jerál, Ministériu ba Asuntu Parlamentár no Komunikasaun Sosiál (MAPKOMS), **Senior Official Meeting Responsible for Information (SOMRI)**;
2. Sr. David Tomas de Deus, Diretor Jerál Joventude no Desportu, Sekretáriu Estadu Joventude no (SEJD), **Senior Official Meeting on Youth (SOMY)**;
3. Sr. Armando Da Costa, Diretor Jerál, Sekretáriu Estadu ba Igualdade no Inkluzaun (SEII), **Senior Official Meeting on Transnational Crimes (SOMTC)**;
4. Sr. Adai Jorge Baptista Pinto, Pontu Fokál Programa no Planeamentu, Ministériu Solidariedade Sosiál no Inkluzaun (MSSI), **Senior Official Meeting Meeting on Social Welfare and Development (SOMSWD)**;
5. Sra. Filomena Maria De Fatima Dias, Diretora, Provedoria Direitu Umanu no Justisa (PDHJ), **ASEAN Intergovernmental Commission on Human Rights (AICHR)**;
6. Sr. Jose Pereira, Program Koordenadór Unidade Programa Observasaun Parlamentu, Judicial System Monitoring Programme (JSMP), **ASEAN Committee on Women (ACW)**

Organiza no apoiu husi:



Australian Government

Department of Foreign Affairs and Trade



The Asia Foundation
Improving Lives, Expanding Opportunities

Tabela Konteúdu

I. Introdusaun	3
II. Objetivu.....	4
III. Partisipante	4
IV. Partisipante husi Timor-Leste.....	4
V. Sesaun no Matéria sira	5
 5.1. Sesaun I.....	5
5.1.1. Aprezentadór no título máteria	5
5.1.2. Pontu prinsipál sira husi deskobrimentu	5
5.1.2.1. Abut ka kondutór husi RVE	5
5.1.2.2. Prátika Di'ak sira.....	6
 5.2. Sasaun II.....	6
1) Brunei.....	6
2) Indonézia	7
3) Filipina	7
4) Vietnam	7
5) Timor-Lete	8
 5.3. Sesaun III no IV.....	8
5.3.1. Aprezentadór no título matéria	8
5.3.2. Esperiénsia no práтика di'ak sira.....	9
 5.4. Sesaun V no VI.....	10
5.4.1. Grupu diskusaun no pergunta sira.....	10
5.4.2. Pontu prinsipál sira husi diskusaun	11
VI. Timor-Leste nia partisipasaun	11
6.1. Pontu no hanoin sira ne'ebé apresenta	11
VII. Problema no Dezafiu.....	12
VIII. Konkluzaun no rekomendasau.....	12
Aneksu I: Foto	14

I. Introdusaun

Kestaun radikalizasaun no violénsia estremu (RVE) sai preokupasaun mundu tomak nian, partikularmente membru sira ASEAN nian. ASEAN sujeita no sai risku boot ba atividade sira RVE nian. Kestaun kona-ba prevene no combate RVE ne'e sai liu ba preokupasaun pública no vitál ba membru sira ASEAN nian iha 2001 bainhira mosu RVE ho forma terorismu ne'ebé fó ameasa boot ba rejiaun ne'e.

Ameasa RVE, liuliu relasiona ho terorismu kontinua sai preokupasaun membru ASEAN sira to'o ohin loron, inklui NASAUN VIZIÑU Australia. Asaun konkretu ne'ebé ASEAN foti hodi prevene no combate RVE mak iha 2017 hamosu Deklarasaun Manila kona-ba combate RVE. Esforsu dahuluk ne'ebé halo mak liuhusi kria no haforsa lei ka uza medida lejizlativa no medida seguransa ka uza forsa dura ka militár.

Mezmu nune'e, estadu membru sira ASEAN mós rekoñese katak uza estratéjia ho forsa dura mesak de'it labele hasoru no rezolve RVE, presiza estratéjia mamar (*soft*) liuhusi aproximasaun multifaseta ka área oioin, multisetoriál ka setór oioin no partisipasaun sosiedade tomak. Atu bele asegura realizasaun ba estratéjia ida ne'e, iha 2019, ASEAN halo nia planu asaun ne'ebé koñesidu ho Planu Asaun ASEAN ba Prevene no Kombate RVE ka Planu Asaun Bali 2019-2024.

Konsiente ba aumentu impaktu husi RVE iha rejiaun Asia no Pasifiku, Austrália mós propoin serbisu hamutuk ho ASEAN atu bele prevene no combate RVE ne'e. Nune'e, ASEAN ho Australia estabelese parseria iha 2020 ho naran Parseiru Estratéjiku ASEAN-Australia 2020-2024 ho planu asaun sira. Atu aliña ho Planu Asaun Bali 2019-2024, ASEAN *SOMTC Voluntary Lead Shepherd* ba área prioriedade terorismu nian hamutuk Departamentu ba Asuntu no Negósiu Estranjeiru Australia nian (DFAT) propoin atu organiza workshop ida iha ne'ebé Governu Austrália ho membru Governu sira ASEAN nian bele fahe esperiénsia no koñesimentu kona-ba práтика di'ak sira, nune'e mós dezafiu sira iha hala'o programa sira kona-ba rejilánsia komunitária ka *community resilience*.

Nune'e, “*ASEAN-Australia Workshop to Exchange Practices on Community Resilience Programs to Counter Radicalisation and Violent Extremism Activities*” nu'udar realizasaun husi proposta ne'e. Workshop ne'e konsege organiza lori péritu no peskizadór sira iha área relevante hodi fahe sira-nia deskobrimento kona-ba RVE no mós autór prinsipál sira ne'ebé durante ne'e hala'o programa sira rejilánsia komunitária, tantu mai husi setór público ka Governu nune'e mós husi setór privadu ka sosiedade sivil hodi fahe sira-nia esperiénsia no koñesimentu kona-ba susesu, fallansu no dezafiu sira iha implementa programa sira ne'e.

Workshop ne'e konsege halibur hamutuk koñesimentu, esperiénsia, práтика di'ak sira no dezafiu sira, inklui rekomendasau relevante no importante sira ne'ebé parte hothotu ne'ebé envolve iha atividade prevene no combate VE bele konsidera no halo tuir iha futuru. Nune'e, relatóriu ne'e, nu'udar sumáriu badak ida relasiona ho workshop ne'e no ne'ebé konstitui mós rekomendasau balun husi delegasaun Timor-Leste nian ba Governu Timor-Leste atu bele konsidera iha futuru.

II. Objetivu

Objetu prinsipál husi workshop ida ne'e mak atu promove diálogu entre nasaun membru sira ASEAN ho Austrália oinsa bele kombate RVE, bele fahe no troka ba malu práтика di'ak sira iha implementa programa sira rejilânsia komunitária nian, nune'e mós oinsa bele implementa medida nesesáriu sira hodi bele prodús rezultadu sira ne'ebé pozitivu iha prevene no kombate atividade sira terorismu no radikalizmu nian ka RVE hanesan deskreve ona iha *ASEAN-Australia Strategic Partnership 2020-2024* no mós kontribui ba implementasaun *Bali Work Plan 2019-2025*.

III. Partisipante

Workshop ne'e iha prinsípiu nu'udar workshop ba reprezentante sira husi diresaun relevante sira Governu ASEAN no Austrália nian, nune'e, partisipante iha Workshop ne'e mai husi ofisiál seniór sira husi nasaun membru sira ASEAN nian iha órgaun no entidade sektoriál sira hanesan:

- 1) *Senior Official Meeting on Transnational Crimes (SOMTC);*
- 2) *ASEAN Intergovernmental Commission on Human Rights (AICHR);*
- 3) *Senior Official Meeting Responsible for Information (SOMRI);*
- 4) *ASEAN Committee on Women (ACW);*
- 5) *Senior Official Meeting on Youth (SOMY);*
- 6) *Senior Official Meeting on Social Welfare and Development (SOMSWD).*

IV. Partisipante husi Timor-Leste

Governu Timor-Leste mós hetan konvite hodi partisipa iha workshop ne'e liuhusi Ministériu Negósiu Estranjeiru no Kooperasaun (MNEC). Nune'e, MNEC identifika no kontaktu partisipante sira husi Timor-Leste nian tuir rekezitu husi komisaun organizadora. Timor-Leste nia estatutu sei hanesan observadór, tanba seidauk sai hanesan membru plenu. Partisipante sira husi Timor-Leste mak hanesan tuir mai ne'e:

1. Sr. Ponciano da Cruz, Diretor Jerál, Ministériu ba Asuntu Parlamentár no Komunikasaun Sosiál (MAPKOMS), ***Senior Official Meeting Responsible for Information (SOMRI);***
2. Sr. David Tomas de Deus, Diretor Jerál Joventude no Desportu, Sekretáriu Estadu Joventude no (SEJD), ***Senior Official Meeting on Youth (SOMY);***
3. Sr. Armando Da Costa, Diretor Jerál, Sekretáriu Estadu ba Igualdade no Inkluzaun (SEII), ***Senior Official Meeting on Transnational Crimes (SOMTC);***
4. Sr. Adai Jorge Baptista Pinto, Pontu Fokál Programa no Planeamentu, Ministériu Solidariedade Sosiál no Inkluzaun (MSSI), ***Senior Official Meeting on Social Welfare and Development (SOMSWD);***
5. Sra. Filomena Maria De Fatima Dias, Diretora, Provedoria Direitu Umanu no Justisa (PDHJ), ***ASEAN Intergovernmental Commission on Human Rights (AICHR);***
6. Sr. Jose Pereira, Program Koordenadór Unidade Programa Observasaun Parlamentu, Judicial System Monitoring Programme (JSMP), ***ASEAN Committee on Women (ACW).***

V. Sesaun no Matéria sira

Iha workshop ne'e, partikularmente ba partisipante Timoroan sira, TAF organiza sesaun ketak ida iha 15 Maiu 2023 loron sorin hodi halo introdusaun ba ASEAN-Australia Workshop ne'e no mós kona-ba ASEAN rasik.

Iha workshop loron 16-17 nian, iha sesaun apresentasaun hamutuk 6 ho nia apresentadór no materia sira hanesan tuir mai ne'e:

5.1. Sesaun I

Iha sesaun ida ne'e, apresentadór sira fahe sira-nia rezultadu peskiza ka rezultadu deskobrimentu kona-ba maneira ka estratéjia hodi prevene no kombate radikalizasaun no violénsia estremu (VE) ho uza mekanizmu aproximasau rezilânsia komunitária ka uza estratéjia mamar, la'ós estratéjia dura ka to'os ho impozisaun forsa lei, forsa polisiál no militár.

Apresentadór sira iha sesaun ida ne'e, apresenta sira-nia deskobrimentu kona-ba abut husi RVE, práтика di'ak sira husi rejilânsia komunitária no mós dezafiu sira.

5.1.1. Apresentadór no título máteria

Detallu husi apresentadór no título matéria sira mak hanesan tuir mai ne'e:

- 1) Thomas Koruth Samuel, peskizadór no Konsultór Nasoins Unidas nian ba Prevensaun no Kombate Violénsia Estrema (PCVE).

Título matéria: '**'Radicalisation into Violent Extremism (RVE) and Community Resilience (RVE) and Community Resilience Approach to Prevent and Counter RVE: Definition and Overview'**'

- 2) Jennifer B., Asesora Rejionál ba Sudeste Aziatiku, husi organizasaun Global Community Engagement and Resilience Fund (GCERF).

Título matéria: "**Local Approach to Building Resilience**"

- 3) Mitra Moderasi, Regional PVE Program Manager, UNDP Bangkok Regional Hub.

Título matéria: "**Community Resilience Approach to Preventing Violent Extremism**".

5.1.2. Pontu prinsipál sira husi deskobrimentu

Husi rezultadu peskiza ka deskobrimentu sira ne'ebé apresentadór sira apresenta, iha pontu prinsipál balun mak bele tau iha konsideraun no sai hanesan lisaun.

5.1.2.1. Abut ka kondutór husi RVE

Liuhusi peskiza ne'ebé apresentadór sira halo, desobre katak abut ka kauza ka kondutór sira husi RVE nian mak hanesan tuir mai ne'e:

- a) Buka kona-ba identidade no pertense. Ida ne'e signifika katak iha sosiedade nia leet iha ema ka grupu balun la hetan rekoñesimentu ba sira-nia identidade tantu iha kultura no política, no la hatene atu pertense ba

- komunidade no grupu ida ne'ebé? Nune'e, sira uza meiu ida liuhusi RVE hodi buka sira-nia identidade no pertense.
- b) Buka kona-ba signifikadu no seguransa. Iha pontu ida ne'e mós hatudu katak iha ema no grupu balun ne'ebé sira-nia an no grupu la hetan signifikadu no seguransa iha sosiedade nia leet, ne'ebé ikus mai lori sira ba hala'o atividade radikál no violénsia estremu.
 - c) Esperiénsia diskriminasaun no exkluzaun iha sosiedade. Ida ne'e signifika katak prática diskriminasaun no exkluzaun sosiál ne'ebé formál no informalmente akontese iha sosiedade bele kauza RVE.
 - d) Governu falla atu fornese serbisu báziku ba individu ka grupu sira ne'ebé nesesita.
 - e) Falta paz no seguransa.
 - f) Situasaun ka eventu globál sira hanesan Syria, Palestina no Afeganistaun alimenta hirus, ódiu no vingansa ne'ebé lori ba violénsia estremu.
 - g) Dezempregu no ki'ak no autoridade sira falla atu asegura justisa no seguransa.
 - h) Disponibilidade informasaun ne'ebé limitadu no nível literasia ka edukasaun ne'ebé tun.

5.1.2.2. Práтика Di'ak sira

Tuir apresentadór sira ne'e, grupu sira iha sosiedade ne'ebé sai vulnerável ba iha influénsia redikalizasaun no violénsia estremu mak feto, labarik no foinsa'e sira.

Nune'e, prática ka atividade ne'ebé konsidera próprio mak harii rezililânsia iha comunidade mak hanesan:

- a) kria programa no orsamentu ne'ebé dirije ba iha comunidade iha baze ka rural, liuliu pontesiál ba RVE.
- b) Kria programa no atividade kreativu sira ne'ebé foka liu ba labarik no foinsa'e sira iha bairu ka comunidade sira.
- c) Estabelese programa eskola ba páz iha eskola sira.
- d) Kria programa suku páz (desa damai iha Indonésia).
- e) Kapasitasau ka formasaun kona-ba lideransa ba feto.
- f) Kapasitasau ba feto sira kona-ba oinsa bele susenta moris iha familia iha area negósiu no jestau finanseira.
- g) Kria diálogu iha comunidade nia leet.

5.2. Sasaun II

Sesaun daruak nian nu'udar sesaun apresentasaun husi reprezentante sira membru Governu ASEAN, inklui Timor-Leste nian kona-ba medida política ka estratejia saida de'it mak Governu halo hodi prevene no combate radikalizmu no violénsia estremu iha NASAUN idaidak.

Nasaun membru ASEAN ne'ebé konsege halo sira-nia apresentasaun mak Brunei, Indonézia, Filipina ho Vietnam.

1) Brunei

Brunei nia parte iha apresentasaun ne'e, hatudu kona-ba oinsa Governu nia no comunidade nia aproximaun ba prevene no combate radikalizmu no violénsia estremu. Governu enkaixa liña koordenasaun no serbisu ba iha Kabinete PM ho

programa rua: a) *Security Awareness Program* no b) *Community Outreach Program*, Ministériu ba Asuntu Relijiaun nian ho halo workshop anuál ba líder religiozu sira no kria atividade omilia iha loron Sesta, Ministériu Edukasaun no Ministériu Kultura, Joventude no Desportu ho estabele política no estratejia nacionál ba joventude no programa ba joventude. Ikus liu mak kona-ba kria kooperasaun rejionál no internasional ba prevene no kombine RVE.

2) Indonézia

Indonézia hahú nia apresentasaun ho deskreve kona-ba situasaun kona-ba ataka terorista nian. Tuir relatório *Global Terrorism Index*, número ataka terorista nian iha Indonézia tun porsentu 56% iha 2023 no tuir relatório Polisia Nasional Indonézia (POLRI), número ataka terorista iha Indonézia tun porsentu 83% iha 2022.

Medida política no lejizlativa sira ne'ebé Governu Indonézia kria mak hanesan kria programa rezilánsia komunitáriu ho Regulamentu Prezidensiál ho programa no atividade sira hanesan; a) programa suku dame ka paz; b) haforsa rezilánsia iha comunidade; c) organiza treinamento regulár kona-ba polisiamentu komunitária; d) dezenvolve projeto pilotu balun nu'udar modelu ka referénsia ba rejiaun balun kona-ba rezilánsia komunitária.

Atu haforsa rezilánsia komunitária, Ajénsia Nasional Kombate Terorizmu Indonézia nian estabelese Fórun Koordenasaun ba Kombate Terorizmu iha provinsia 43 no programa kapasitasaun hahú ona iha 2020.

3) Filipina

Iha parte Governu Filipina nian, medida ne'ebé kria mak estabelese Konsellu Anti-Terorizmu (ATC) hodi dezenvolve no aprova Planu Asaun Nasional ba Prevene no Kombate Violénsia Estremu iha 2019. Iha planu asaun ne'e, iha programa prioritária haat mak hanesan: a) programa ba prevene no kombine violénsia estremu; b) programa ba prevene no kombine terorizmu; c) programa ba asuntu internasional sira no harii kapasitasaun; no d) programa ba asuntu legal sira. Esforsu ikus Governu nian mak komplementa no harmoniza esforsu husi comunidade lokál sira nian ba prevene no kombine RVE liuhusi transforma setór sira ne'ebé sai nu'udar kauza ka abut no vulnerabilidade ba iha RVE ho harii comunidade ne'ebé reziliente, nakonu ho dame no produtivu.

4) Vietnam

Husi parte Vietnam nian, medida ne'ebé Governu foti mak: 1) halo propaganda liuhusi a) Movimentu Defesa ba Seguransa Nasional; no b) hadi'a vijilánsia pública, 2) Medida lejizlativu liuhusi; a) halo alterasaun ba Kódigu Penál no Kódigu Prosesu Penál; b) kria lei kona-ba prevene no kombine brankeamnetu kapitál iha 2013; no c) kria lei kona-ba prevene no kombine terorizmu iha 2013, 3) Hadi'a mekanizmu kombine RVE ho estabelese Konsellu Diresaun ba kombine terorizmu iha nível hotu no mekanizmu koordenasaun multilaterál entre ministeriu no organizaçao relevante sira, 4) kapasitasaun liuhusi formasaun, fornese ekipamento, organiza konferénsia no workshop internasional no fahe esperénsia ba malu, 5) jestaun administrativu liuhusi kontrolu uzu internet ba objetivu radikalzmu, no 6) kooperasaun internasional.

5) Timor-Lete

Timor-Leste mezmuke nia estatutu sei hanesan observadór, iha sesaun ne'e, fó oportunidade atu bele fahe esperiénsia no práтика di'ak sira Timor-Leste nian ne'ebé bele kontribui ba prevene no kombate VE.

Sr. Armando da Costa husi SEII mak reprezenta Govrnu Timor-Leste hodi halo apresentasaun badak kona-ba saida mak Governu halo ona durante ne'e hodi prevene no kombate VE. Buat sira ne'ebé mensiona iha apresentasaun ne'e tuir kontestu TL nian mak atu prevene repetisaun ba violénsia sira pasadu nian Governu Timor-Leste adota no aplika mekanizmu sira justisa tranzitória, atu prevene no kombate violénsia ne'ebé kauza husi grupu arte marsiál sira, Governu kria lei hodi regulariza atividade ne'e, Governu kria politika no programa própria ba joventude sira, governu kria lei própria ba proteje labarik sira, governu kria lei ba tráfiku umanu, governu kria programa no fundu hodi kapasita no apoiu feto sira, no mós kria mekanizmu polisiamentu komunitária, nsst.

5.3. Sesaun III no IV

Iha Sesaun III no IV ne'e, matéria sira ne'ebé apresentadór sira apresenta haree liu ba knaar no kontribuisaun governu lokál no sosiedade sivíl nian ba iha harii rezilánsia komunitária hodi prevene no kombate RVE.

Apresentadór iha sesaun ida ne'e, fahe sira-nia esperiénsia no koñesimentu práтика kona-ba implementasaun programa no atividade sira rejilánsia komunitária nian, oinsa nia susesu, práтика di'ak sira no problema ho dezafiu sira.

5.3.1. Apresentadór no título matéria

Apresentadór no título matéria sira hanesan tuir mai ne'e:

1. Mohd Mizan Aslam (PhD), Professor, Department of International Relations, Security and Law, Faculty of Defense Studies and Management, National Defense University of Malaysia (NDUM).

Título matéria: **“Community Resilience: the Role of CSOs in PCVE”**.

2. Manny C. Muarip, Provincial Administrator, Office of the Governor, Basilian Province, the Philippines

Título matéria: **“Anti-Violent Extremism Campaign: the Basilian Experience”**.

3. Bullent Hass Dellal Ao, Executive Director and Company Secretary, Australian Multicultural Foundation (nia partisipa online)

Título matéria: **“ASEAN-Australia Workshop on Community Resilience: CSO’s Perspective on Community Resilience”**.

4. Dina Zainan, Co-founder and Director, IMAN Research (Partisipa online)

Título matéria: **“Confronting Our Own Prejudices”**.

5. Mujtaba Hamdi, Executive Director, Wahid Foundation

Título matéria: **“the Roles of Religious Leaders in Community Resilience”**

6. Dr. Augustinus Setyo Wibowo, Lecturer, Driyarkara School of Philosophy, Indonesia.

Título matéria: **Catholic Perspective on the Relationship between Religion and the State**.

7. Dwi Rubiyanti Kholifah, Country Representative of AMAN Indonesia and Steering Committee of Working Group on Women and Preventing and Countering Violent Extremism (VE)

Título matéria: **Dialogue for Social Reintegration**.

8. Matt Love, Co-founder and Director, Love Frankie

Título matéria: **Youth Perspective: on Harnessing the Creativity and Influence of Youth for more Resilience Communities**

9. Asrul Daniel Ahmed, Director of Digital Strategic Communication Division, Southeast Asia Regional Center for Counter-Terrorism (SEARCCT) Malaysia

Título matéria: **Sectorial Perspective on Building Resilience to CRVE – the Communication Perspective**

5.3.2. Esperiénsia no práтика di'ak sira

Husi sesaun rua ne'e, pontu importante balun ne'ebé apresentadór sira apresenta no subliña relasiona ho perspetiva governu lokál, sosiedade civil no organizasaun religiozu sira mak hanesan tuir mai ne'e:

- a) Matenek na'in no peskizadór sira deskobre katak relijiaun halo papél importante iha radikalizaun no líder religiozu sira mak autór prinsipál ba hato'o mensajen iha komunidade nia leet iha ne'ebé liafuan religiozu sira dalabarak uza hodi justifika VE.
- b) Susesu iha prevene no kombaté violénsia estremu depende mós ba envolvimentu sosiedade civil nian, liuliu familia, feto, foinsa'e, edukadór ka manorin no líder religiozu no komunitáriu sira no mós mídia.
- c) Envolvimentu sosiedade civil iha prevene no kombaté VE muda ona papél ajénsia sira governu nian ba iha organizasaun sira ho baze iha komunidade.
- d) Organizasaun sira ne'ebé envolve iha prevene no kombaté VE iha diversidade iha objetivu no atividade sira.
- e) Dezafiu ne'ebé hasoru mak hanesan falta koordenasaun entre autór sira ne'ebé envolve iha PCVE, papel ne'ebé ladun boot no menus fundu apoiu.
- f) Adota aproximaun no língua lokál hodi hatene kontestu no konteúdo lokál iha kombaté VE.
- g) Kapasita ka haforsa familia no feto iha prevene no kombaté VE.
- h) Inkorpora iha programa no política aproximaun sira ne'ebé inkluzivu iha jéneru hodi evita impaku negaivu ba feto sira.
- i) Rekoñese pontencialidade foinsa'e sira-nian no kria política no programa espesifiku ba foinsa'e sira iha nasaun laran.
- j) Kria programa sira ne'ebé envolve komunidade religiozu lokál sira.
- k) Estabelese mekanizmu formal ida ba parseria entre sosiedade civil no governu iha partilla koñesimentu no asegura partisipasaun sosiedade civil nian iha procesu halo desizaun política.

- l) Promove kolaborasaun rejionál iha prevene no kombate VE.
- m) Asegura protesaun no promosaun ba direitu sira grupu minoria religiozu no étniku iha rejaun Sudeste Aziatiku.
- n) Asaun ne'ebé Governu lokál foti mak liuhusi estratéjia dura ka to'os hanesan serbisu hamutuk ho polísia no militár hodi halo operasaun ho forsa polisiál no militár no estratéjia mamar mak iha tempu hanesan Governu lokál fornese apoiu ba komunidade sira, envolve grupu religiozu sira iha hanorin komunidade sira kona-ba prevene no kombate VE no implementa projeto konkretu sira kona-ba dezenvolvimentu komunidade, liuliu iha parte seguransa hahan no protesaun sosiál iha área konflitu sira.
- o) Halo kontrolu ba movimentu kilat ahi ka arma fogu iha komunidade sira nia leet.
- p) Harii rezilânsia komunitária no promove koezaun sosiál liuhusi edukasaun no konsiencializasaun komunidade nian.
- q) Investe liu tan iha programa sira ne'ebé fokus liu ba iha komunidade no mós haforsa liu tan parseria entre sosiedade civil no Governu iha prevene no kombate VE.
- r) Kria konsiencializasaun liuhusi envolve mídia, halo workshop, diskusaun no partisipasaun parte interesadu sira-nian.
- s) Estabelese ka kria rede serbisu.
- t) Serbisu hamutuk ho komunidade sira no husik sira mak ko'alía duke ita mak ko'alía.
- u) Importânsia husi dezenvolve estratéjia komunikasaun, internet no mídia sosiál iha prevene no kombate VE.
- v) Envolve foinsa'e sira iha atividade kreativa sira hanesan pintura, musica, dansa, nsst. hodi evita sira husi influénsia radikalizmu no mós atividade sira VE nian.

5.4. Sesaun V no VI

Iha sesaun rua ne'e kona-ba diskusaun grupu no apresentasaun ba rezultadu diskusaun. Sesaun V nu'udar sesaun ba diskusaun no Sesaun VI nu'udar sesaun ba apresentasaun.

5.4.1. Grupu diskusaun no pergunta sira

Iha parte ida ne'e, partisipante sira fahe ba grupu 6 no ekipa delegasaun Timor-Leste na'in 6 kolokadu ba iha grupu 6.

Iha pergunta matadalan ba diskusaun grupu ne'e hamutuk tolu. Pergunta sira mak hanesan tuir mai ne'e:

- 1) Husi diskusaun sira iha sesaun sira liuba, saida mak ita hanoin sai de'it mak nu'udar dezafiu no lisaun topu ka importante sira husi programa ezistente sira ba rejilânsia komunitária?
- 2) Saida de'it mak ita konsidera nu'udar práтика sira rejilânsia komunitária ne'ebé di'ak no nakonu ho esperativa iha kombate RVE?
- 3) Oinsa mak kooperasaun rejionál bele promove no haforsa approximasaun rejilânsia komunitária hodi kombate RVE? Saida de'it mak bele sai nu'udar área no tópiku prioriedade aas liu tolu ne'ebé krítiku atu bele harii liu tan rejilânsia komunitária iha nível ASEAN?

5.4.2. Pontu prinsipál sira husi diskusaun

Husi rezultadu diskusaun no apresentasaun rezultadu husi kada, iha pontu prinsipál balun ne'ebé foti mak hanesan:

- a) Radikalizasaun no VE ne'e balun nia abut husi doutrina ka relijiaun balun ne'ebé susar atu halakon no ne'e sai hanesan dezafiu boot ida.
- b) Limitasaun apoiu finanseiru, liuliu ba parte sosiedade civil mós sai hanesan dezafiu ba harii rezilánsia komunitária.
- c) Lisaun no práтика di'ak sira ne'ebé bele aprende no kontinua halo mak hanesan kria eskola ba paz, kria suku ba paz, halo diálogu entre grupu no komunidade ho fiar diferente, uza língua lokál hodi harii rezilánsia komunitária.
- d) Nasaun membru sira ASEAN nian presiza inklui iha sira-nia koríkulu eskola nian kona-ba eskola ba paz, apoiu finanseiru ba sosiedade civil sira iha area importante sira ba prevene no combate VE, no haforsa rede serbisu entre Polisia ASEAN no INTERPOL.

VI. Timor-Leste nia partisipasaun

Durante workshop ne'e, partisipante sira husi Timor-Leste nian mós partisipaativamente iha diskusaun sira durante sesaun apresentasaun, diskusaun grupu no revizaun ba sumáriu workshop ne'ebé apresenta husi komisaun organizadora iha sesaun ikus no taka nian.

6.1. Pontu no hanoin sira ne'ebé apresenta

Pontu no hanoin sira ne'ebé hato'o iha workshop ne'e mak hanesan tuir mai ne'e:

- a) Iha variedade ka tipu oinoín husi abut ba radikalizasaun no VV, nune'e, importante atu identifika didi'ak nia kauza ne'e atu bele buka solusaun ne'ebé próprio no adekuadu. Nune'e, hanoin katak ho de'it aproximaun rezilánsia komunitária sei la totalmente prevene no combate RVE, maibé presiza hakat liu husi ne'e hanesan kria lei hodi rekoñese no asegura ezisténsia ka direitu husi individu ka grupu sira uza VE hodi luta ba rekoñesimentu ba sira nia direitu no ezisténsia.
- b) Relaciona ho limitasaun ba rekursu finanseiru, rekomenda atu nasaun membru sira ASEAN nian bele konsidera importânsia husi papél sosiedade nian iha prevene no combate RVE, nune'e, bele investe no fornese apoiu finanseiru atu bele asegura realizaun ba atividade sira SS nian iha harii rezilánsia komunitária.
- c) Iha dokumentu finál, propoin atu muda tópiku kona-ba koopera ho organizasaun relijiozu ba envolve organizasaun relijiozu tanba sira mós sai nu'udar autor prinsipál ne'ebé bele kontribui ba prevene no combate radikalizasaun no VE, nune'e, mós harii rezilánsia komunitária.
- d) Atividade ka práтика di'ak sira iha iha rejilánsia komunitária ne'ebé propoin iha diskusaun grupu atu bele kontinua hala'o no bele aplika iha membru ASEAN sira seluk mak eskola ba paz no suku ba paz no diálogu entre grupu no fiar diferente sira.

VII. Problema no Dezafiu

Bazeia ba rezultadu aprezentasaun no diskusaun sira iha workshop ne'e, deskobre katak problema no dezafiu prinsipál sira ne'ebé autór sira ne'ebé implementa programa no hala'o atividade rejilánsia komunitária sira hasoru mak hanesan abut balun husi RVE relasiona ho individu no grupu intelektuál sira balun, valór ka doutrina religiozu husi religiaun balun, apoiu finanseiru ne'ebé limitadu no mekanizmu koordenasaun iha nível rejiaun ne'ebé ladun la'o ho di'ak. Alende ne'e, susar atu halo kontrolu no kombate doctrina extremista sira ne'ebé utilizasaun plataforma media sosiál hodi halo propagasaun.

VIII. Konkluaun no rekomendasaun

Kestaun RVE nu'udar kestaun globál ne'ebé alastra no fó impaktu ba sosiedade no komunidade hothotu iha mundu, inklui partikularmente rejiaun Asiática, prinsipalmente ASEAN no pasífiku.

Governu sira ASEAN, Austrália no inklui Timor-Leste halo ona esforsu hodi kria medida próprio no relevante balun ba prevene no combate RVE, tantu iha forma individual no mós iha forma kooperasaun bilaterál no multilaterál hanesan kooperasaun ka parseria entre ASEAN ho Australia.

Mezmu nune'e, esforsu sira ne'e labele para iha ne'e no nafatin kontinua atu bele halakon totalmente RVE ne'e to'o nia abut husi Timor-Leste iha partikular no iha ASEAN iha jerál. Atu bele atinje ida ne'e, rekomenda ba Governu Timor-Leste atu:

- 1) adota práтика di'ak sira ne'ebé NASAUN membru sira ASEAN nian halo no implementa tuir kontestu no konteúdo husi problema sira relasiona ho RVE Timor-Leste nian.
- 2) estabelese liña koordenasaun ida ne'ebé di'ak entre diresaun relevante sira iha nível Governu nian, liuliu liña ministeriál sira no mós parte sosiedade sívil nian.
- 3) aloka no apoiu orsamentu próprio ba programa no atividade sira relativamente ba harii rejilánsia komunitária iha prevene no combate RVE, liuliu identifika parseiru sosiedade sívil sira ne'ebé iha ona esperiênsia no koñesimentu iha implementa programa no atividade sira ligadu ho rejilánsia komunitária nian hanesan halo kapasitasaun ba komunidade kona-ba krime violénsia bazeia ba jéneru, liuliu hasoru feto no labarik, kestaun rezolusaun disputa iha komunidade, polisiamenu komunitária, diálogo ba páz no asuntu sira liga ho krime transnacional sira hanesan tráfiku, nsst.
- 4) estabelese koordenasaun serbisu ne'ebé di'ak ho membru sira seluk ASEAN nian.
- 5) liuhusi ASEAN bele kria oportunidade ba harii kapasidade ka halo kapasitasaun ba Estadu membru sira kestaun sira relasiona ho RVE.
- 6) entegra ka hatama iha sistema edukasaun ka kuríkulu edukasaun matéria kona-ba paz no tolerânsia.
- 7) hala'o atividade sira fahe malu ka partilla esperiênsia no koñesimentu kona-ba RVE entre Estadu membru sira ASEAN.
- 8) Dezenvolve Termu Referénsia (ToR) hodi bele formaliza kooperasaun kona-ba prevene no combate RVE iha ASEAN.

- 9) Envolve iha Rede Sudeste Aziátku nian kona-ba pratsionáriu sira ba prevene no kombate RVE.
- 10) Dezenvolve mídia sosiál ne'ebé padronizada ne'ebé bele kontrbui ba prevene no kombate RVE.
- 11) Reintegrasaun ba esperiénsia no práтика di'ak sira kona-ba prevene no kombate RVE.

Aneksu I: Foto



Foto hamutuk delegasaun Timor-Leste nian



Representante Governu Timor-Leste, Sr. Armando da Costa halo apresentasaun kona-ba saida mak Governu Timor-Leste halo ona hodi prevene no kombat RVE



Reprezentante Sosiedade Sivil husi JSMP, Sr. Jose Pereira halo intervensaun iha sesaun diskusaun nian



Foto hamutuk ho membru Grupu 4 husi sorin loos Tailândia, Burma (feto), Australia (fasilitadór), Timor-Leste, Indonézia, Kambodia no Filipina.



Sr. Ponciano halo apresentasaun grupu depoisde diskusaun



Foto hamutuk ho Sra. Hsu Yadanar Aung Min, Diretora Adjunta, Departamentu Asuntu ASEAN, Ministériu Asuntu Estranjeiru Myanmar



Foto hamutuk ho Sra. Caroline Scott, *Deputy Head of Mission, Australian Mission to ASEAN*



Foto hamutuk ho Sr. Thomas Parks, *Team Leader, ASEAN-Australia Political-Security Partnership, TAF*



Foto hamutuk ho Sr. Andhika Chrisnayudhanto, *Deputy for International Cooperation of Indonesian Counter-Terrorism Agency*